



Abid Podbićanin stradao kao pripadnik terorističke organizacije

U Siriji poginuo vehabija iz Srbije kojeg je slušao i Mevlid Jašarević

Abid Podbićanin godinama saradivao s Bilalom Bosnićem, Nusretom Imamovićem te Mevlidom Jašarevićem • Glasine da je Imamović poginuo nisu potvrđene


Abid Podbićanin zvani Ebu Safija iz Prijepolja poginuo je u borbama na sirijskom ratištu, prenio je internet-portal blizak radikalima iz regiona „Vijesti ummeta“. No, niko zvanično nije mogao potvrditi autentičnost informacije. Na Facebook stranici „Sandžak je sa ummetom“ objavljeno je da je Podbićanin poginuo mno-

go ranije, ali da je vijest o tome stigla tek prije nekoliko dana, objavio je Tanjug.

On se u Siriji borio na strani terorističke organizacije Islamske države (IS), a bio je poznat kao vođa organizacije „El-Furkan“ iz Srbije. Prije dvije godine, zbog optužnice za terorizam u Srbiji, pobjegao je u Gornju Maoču, a uoči odlaska na



Podbićanin: Bio na čelu „El-Furkana“



Imamović: Sumnja se da je i on stradao



Jašarević: Išao na predavanja pa pucao na Ambasadu

SIPA ima saznanja o Skaliću

Državna agencija za istrage i zaštitu raspolaže operativnim podacima o 35-godišnjem Austrijancu bh. porijekla Enesu Skaliću i njegovoj porodici, za kojima je Interpol Austrije raspisao potragu.

Austrijski mediji objavili su informaciju da se sumnja da se Skalić priključio

Islamskoj državi u Siriji te tamo poveo i svoju porodicu.

- SIPA raspolaže određenim operativnim saznanjima u vezi s navedenom osobom, ali zbog daljnjih aktivnosti koje se provode nismo u mogućnosti otkrivati više informacija - rečeno nam je iz SIPA-e.

ratište u Siriju regrutirao je državljane BiH, Srbije i Kosova da se pridruže teroristima IS-a.

U Siriji je komandirao borbama s Balkana. Bio je, kako se sumnja, u direktnoj vezi s uhapšenim Bilalom Bosnićem, kojem se sudi za vrbovanje bh. državljana za strana ratišta, ali i jednim od najtraženijih terorista Nusretom Imamovićem, koji je krajem 2013. godine, ta-

kođer, otišao u Siriju.

Podbićanin se dovodio u vezu i s Mevlidom Jašarevićem, teroristom iz Novog Pazara koji je 2011. godine pucao na Ambasadu SAD u Sarajevu. Jašarević je godinama prije napada redovno posjećivao Podbićaninova predavanja u Sandžaku.

Kada je u pitanju Nusret Imamović, prema operativnim podacima Državne agencije za istrage i zaštitu

(SIPA), on se i dalje nalazi u Siriji, ali nije poznato kakav je njegov status. Za sada se samo zna da legalnim putevima više nije ulazio u BiH.

No, nezvanični podaci govore da njegove pristalice već odavno sumnjaju da je Imamović, također, izgubio život u oružanim sukobima u toj zemlji, jer već mjesecima niko s njim nije uspostavio kontakt.

M. AŠČIĆ